

## Balou, 7j.



### suechet es ruhigs Daheime mit Freigang

Liebi Tierfründe

Hoi Du da, hesch Du es Plätzli für mi? Nur für mi ganz allei? Ig bi übrigens dr Balou u uf dr Suechi nach eme nöie Daheime. Warum? Bi üs dahei git's no en Hung, dem trou ig so gar nid übern Wäg, wobii: er isch nid gfährlech, nur wiud u uugschtüem, das isch nid Miis. S'isch scho so wiit, dass ig chuüm no heichoh, wenn er do isch. U er isch immr do! Drum!

Ig wärd im Juni 7i, bi kaschtriert, gimpft, chippet u schtuberein. Abr ig mach mini Gschäftli fascht immr dusse. Dr Hung dihei, Du verschtehsch? Leidr bin ig nid ganz gsung, ig ha es chliins Problem mit'm Oug. Das chummt vo eme Herpesvirus u der chummt immr, wenn ig Schtress ha, denn bruuch ig Ougetröpfli. Das chönnet sy abr grad nüm gäh, wiu: ig chumme ja choum no hei (dr Hung!). Morn grad geit's drum zum Doc. Itze weisch, was ig nid mag: aues, was schtresse tuet: Hung u iigschperrt sy ir Wohnig, Sträss, ou Ching u angeri Chatze daheime schtresse mi. Ig liebe dagäge min Freigang, durch's Törli düre, bi haut es Freigeischtli. Uig mag aui Mönsche, eigeni u frömdi, ig cha mit jädem. Bi en ganz en Liebe, schmüsele gärn (wenn u wann ig wott), hör uf min Name u chumme denn ou füre, ig geh nid so wiit u bi immr i dr Nächi.

Ig sueche verschtändnisvoui Lüüt, die mir en entschpannte Huushaut u Freigang ir verchehrsarme Umgäbig chönnte biete. Zum Biischpiu e 30er Zone uf di eini Siite u es Fäud odr e Wiese uf di angeri Siite. Lüüt, die wo viu daheime sy u viu Ziiit mit u bi mir wönnt verbringe u mir bi dr Fäupfläg häufe. Denn chumme ig ou wiedr gärn hei u Du chasch mir wiedr regumässig Ougetröpfli gäh. Bisch Du villiiecht früsch pensioniert odr sunsch oft dihei odr machsch Du Homeoffice? U hesch Du womöglech en Garte ums Huus umme? U Wiese i dr Nächi? U chei Ching u Hung u Chatz? Ou ja, denn müeset mir üs unbedingt lehre chenne. Ig wohne derziit no z'Hausen/AG, zügler aber gärn zu Dir, wo ou immer Du wohne tuesch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi scho druf, d'Gägend bi Dir z'erchunde!

Din Balou



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch